

Izjava OHR-a na konferenciji za medije međunarodnih organizacija

Dom Naroda BiH može ispuniti jedan od ključni uvjeta prema Studiji izvodljivosti Europske Komisije

Ured visokog predstavnika ističe zadovoljstvo jučerašnjim usvajanjem prijedloga Zakona o jedinstvenom visokom sudskom i tužilačkom vijeću u Ustavnopravnoj komisiji Doma Naroda Parlamentarne skupštine BiH. Dom Naroda BiH će ovaj prijedlog zakona razmatrati sutra, 21. maja 2004. godine.

Jačanje pravosuđa usvajanjem zakonske osnove za uspostavljanje jedinstvenog sudskog i tužilačkog vijeća je jedan od 16 uslova koje BiH mora ispuniti prije nego što pristupi pregovorima o Sporazumu o stabilizaciji i pridruživanju sa Europskom komisijom.

Zastupnici u Domu Naroda BiH će sutra imati priliku da pokažu istu opredijeljenost za europske reforme i vladavinu prava u BiH kao i njihove kolege u Predstavničkom Domu BiH Parlamentarne skupštine BiH.

Prema novom zakonu, jedinstveno sudsko i tužilačko vijeće će biti odgovorno za proces disciplinskog saslušanja sudija i tužilaca kao i za imenovanja kada se otvori slobodna pozicija u pravosuđu. Međunarodna pomoć za pravosudni sistem BiH takođe ovisi o tome da Vijeće djeluje u okviru svoga mandata.